

INTRODUSAUN

Implementasaun Planu Asaun Annual Ministério da Saúde durante tinan fiscal 2009, sei lao tuir nafatin orientasaun politika IV Governu Konstitusional nian nebe formula tiha ona iha prioridades Governu nian. Medidas principais nebe sai hanesan mata dalan estrategia ba implementasaun programa saúde, formulaun politika saúde no regulariza aktividade saúde iha Timor-Leste laran tomak maka hanesan:

- Asegura katak cidadaun hotu-hotu iha Timor-Leste laran tomak hetan aksesu ba servisu saúde nebe ho kualidade
- Koordena aktividades hotu-hotu nebe relasiona ho kontrola epidemiologia
- Halao aktividades vijilansia sanitaria hodi kontrola produsus nebe afeta ba saúde komunidadade
- Promove treinamentu nebe adekuaudu ba profesional da saúde
- Kontribui ba asaun emergencia nebe mosu iha rai laran liu husi kolaborasaun ho seitor relevante.

Formulaun metas no indikadores iha Ministério da Saúde halao bazeia ba papel no responsabilidade nivel servisu ida-idak. Total Direcçoens iha Ministério da Saúde hamutuk 29 direcçoens nebe kompostu husi Gabinete Director geral 1, Gabinete Inspeksaun Fiskalizaun e Auditoria 1, Direcçoens Nacional 5, Serviços Personalizados 2, Servicios Hospitalares 6 no Serviços Distritais Saúde 13. Relatorio narativu implementasaun planu asaun anual tinan fiscal 2009, la inklui aktividades husi Gabinete Ministru no Vice-Ministra da Saúde.

Esplikasaun no justifikasaun ba atinjimentu indikadores desempenhu programa saúde nian, sei esplika tuir nivel servisu ida-idak ka struktura Plano Asaun Annual Ministério da Saúde tinan fiscal 2009.

GABINETI DIRECTOR GERAL

Funsaun Gabinete Director Geral Ministério da Saúde geralmente maka garantia implementasaun politika no regulamentu da saúde iha teritorio tomak. Durante tinan 2009 departementus nebe halibur iha Gabinete Director Geral realiza ona atividades hanesan;

Partes Dezenvolvimentu Politika da Saúde halao ona desiminasan politika saúde, advokasia kona ba saúde reporduktiva no monitorizasaun klinika privada ba distritu Baucau, Lautem, Oecusse no Viqueque. Iha mos progresu seluk maka gabinete Dezenvolvimentu Politika Saúde halo maka hamutuk ho assistensia teknika dezenvolve ona dokumentus politika da saúde rua hanesan politika kona ba abordajen saúde jeneru, strategia bebe foin moris ho saúde labarik nomos nomos dezenvolve estatutu unidade piskija saúde.

Vijilansia Sanitaria implementa ona programa inspeksaun ba lojas, supermerkadu, restaurante iha Distritu Baucau, Lautem, Ainaro, Covalima no Distritu Dili. Objektivu inspeksaun ne'e atu monitoriza produs nebe afeta ba saúde publika. Mais ou menus husi supermercado/lojas/kios 154, restaurante/Cantina 77 no fabrika 4 nebe hetan inspeksaun husi programa vijilansia sanitaria, iha lojas 2 maka identifika sasan nebe inkondisaun/liu prazu, durante tinan fical 2009 husi Gabinete Vijilancia Sanitaria halo mos investigasaun ba kazu intosikasaun hahan no be'e, kasu outbreak iha SKB Vilaverde ba 24 participantes, outbreak ba membros F-FDTL no policia iha Becora.

Programa Sistema Informasaun Saúde e Vijilansia Epidemiologia (SIS-VE) iha tinan fical 2009 halo koleksaun relatorio statistika husi facilidade saude hotu-hotu, alen de halo koleksaun ba data, analiza no halo mos distribusaun data. Iha tinan ida ne'e sira mos halao aktividade hanesan treinamentu konaba gestaun dados saude, refresing training ba data *Sexual Transmission Diseases* (STI). Sosializa formatu programa imunizasau. Sira mos distribui Buleting Epidemiologia, produs no distribui feed back mensal no format Sistema Informasaun Saúde (SIS) ba distritus.

Tabela 1: % Facilidade saude nebe submete relatorio Vijilansia Epidemiologia

No	Kriteria Vigilancia Epidemiologia	Atinjiimento(%)
1	Pontualidade Relatorio Semanal Doencas	35%
2	Kompletu Relatorio Semanal Doencas	90%
3	Pontualidade Relatorio Mensal Doencas	17%
4	Kompletu Relatorio Mensal Doencas	87%
5	Feed back nebe halao husi Departamento SIS-VE ba Facilidade Saude	80%

Tabela 2: % Facilidade saude nebe submete relatorio SIS

No	Kriteria SIS	Atinjiimento(%)
1	Pontualidade Relatorio Mensal SIS	35%
2	Kompletu Relatorio Mensal SIS	100%
3	Feed back nebe halao husi Departamento SIS-VE ba Facilidade Saude	50%

Programa protokolu no komunikasaun social Ministério da Saúde organiza mais ou menus programa 10 liu husi Radio no Televizaun hodi habelar informasaun dezenvolvimentu saúde ba comunidade. Nune mos Gabinete Ligasaun Distritu realiza ona enkontru koordinasaun hamutuk dala 10 nebe participa aktivamente husi Directores iha Nivel nacional, Directores Distritais, Directores servicos personalizados no Directores Servisu Hospitalares, participasaun iha enkontru ne'e mais 90%. Enkontru koordinasaun ne'e halao hodi fo orentasaun kona politika da saúde em jeral, hodi diskuti mos kona ba progresu implementasaun politika no programa saúde iha distritu no hospital ida-idak.

Gabinete Kontrolu Qualidade durante tinan ida ne'e halao ona actividades hanesan dezenvolve instrumentu kontrolu qualidade relaciona ho implementasaun programa SISCa nomos halao desiminasan politika kontrolu qualidade iha area saúde ba direcção hotu-hotu inklui servisu distritais saúde no hospitalares. Programa Kontrolu Qualidade mos auditoria klinika ba programa Saúde Materna Infantil (SMI) iha distritus Oecusse no Hospital Nacional Guido Valadares.

Programa Juridiku da Saúde halao socializa lei no regulamentu nebe iha Ministério da Saúde iha Distrito Covalima Ainaru no Baucau. Mais ou menus iha 60% husi lei no regulamentu maka implementa ona tuir mekanismu lolos.

Tabela 3. % Execusaun orsamentu tinan fiscal 2009 Director Geral

Categoria	Dotasaun	Execusaun (%)
Salario & Vencimentu	95.900	
Bens e Serviços	234.600	
Capital Menor	57.355	
Capital Dezenvolvimentu	0	
Total		100%

Fonte Informasaun: Dept Finanças

GABINETI INSPEKSAUN, FISKALIZASAUN E AUDITORIA (GIFA)

Relaciona ho papel no responsabilidade Gabinete Inspeksaun Fiscalizasaun e Auditoria , maka iha Tinan 2009 area programa Sub Inspektor Fiscalizasaun halao ona Fiscalizasaun ba facilidade Privadas hanesan Farmacia 36, Clinica 51, Laboratorio 2, no Importador 3 hodi hare sira nia aktividade tuir regulamentu husi Ministerio Comercio Industria no Ministerio da Saúde. Fiscalizasaun ba facilidade publico iha tinan ida ne'e too ona 85% hodi hare kriteria sira hanesan Fisico, Recursus Humanos, Administrasaun, Logistica, Financas no Edificio servisu tuir padraun

nebe iha. Sub inspektor Disiplina e Auditoria halao inspeksaun regular ba Distritus 13, CHC 60, Postu de Saude 150, Diresaun Nacional 5, Departementus 32 no Servicos Personalizados 3 (Relatorio preparadu).

Tinan 2009, orsamentu nebe aloka ba GIFA hamutuk USD 228,406.82, exekuta ona 96%.

Tabela 4: % Exekusaun Orsamentu GIFA

Line Items	Dotasaun	Exekusaun (%)
Salario & Vencimentu	54.074	
Bens e Serviços	128.832	
Capital Menor	45.500	
Capital Dezemvovmentu		
Total		96%

Fonte Informasaun: Dept Finanças

DIRESAUN NASIONAL, SERVIÇOS HOSPITALARES E ENCAMINHAMENTU (DNSHE);

Diresaun Nacional Servisu Hospitalares no Encaminhamentu funsiona implementasaun politika servisu Hospitalares no Encaminhamentu iha Timor-Leste. Iha tinan fical 2009 DNSHE liu husi Departementu Gestaun Hospitalar fo orentasaun kona ba jestaun sistema informasaun hospitalares (medical record) no verifikasaun dados ba hospital nacional nomos hospital referral 5. Halo mos monitoring supervijaun ba iha hospital hodi hare medical record, halao encontru koordinasaun ho departementu relevantes Halao introdusaun ba importancia *Standard Operational procedure (SOP)* Profesi (Medis & Emfermagen) e SOP Pelayanan/Servisu ba Hospital hotu-hotu atu bele hadia gestaun Clinica iha servisu Hospitalares, Pediatric quality improvement iha hospital referal hotu.

Servisu enchaminhamentu implementa ona politika referencia estranjeiru hamutu pasiente 280 ba iha Indonesia, husi numeru ne'e, pasiente 19 maka mate durante fulan Janeiru ate Dezembru 2009. Programa refrensia interna liu husi servisu ambulansia refere ona kazu emergencia hamutuk 13.850 iha teritorio tomak.

Departementu Encaminhamentu no Servicos Ambulansia realiza mos programa treinamento konaba primeiru sokorru ba staff ambulancia,fo assistensia primeiru sokorru ba eventu nasional, halo estudo komparativu ba iha Servisu Ambulancia Vitoria Australia, ba assuntu enkaminhamento exterioro halao workshop ba agencia relevantes hodi koalia konaba sistema, mekanismu no prosedimentu de servisu de enkaminhamentu exterioro

Orsamentu estadu nebe aloka ba DNSHE iha hamutuk \$ 423,954 no exekuta ona 97%.

Tabela 5: % Exekusaun Orsamentu DNSHE

Line Items	Dotasaun	Exekusaun (%)
Salario & Vencim	96.000	
Bens e Serviços	321.300	
Capital Menor	19.695	

Capital Dezemvomentu	0	
Total		97%

Fonte Informasaun: Dept Finanças

DIRESAUN NASIONAL SAÚDE COMUNITARIA

Diresaun Nacional Saúde Comunitaria kompostu husi departementus 9. Iha Tinan fisikal 2009 atividades nebe programa halao maka hanesan tuir mai ne'e:

Iha tinan fisikal 2009 husi Programa Saúde Maternu Infantil sei kuintina halao treinamentu Emergency Obstetri Care (EmOC) III & IV ba 24 parteiras iha HNGV, halo reffresing training ba 4 Parteira iha HR Suai, halo asesmentu dala 2 ba HNGN no hospital Referencia Baucau, halo orentasaun Logistic Management Informastion System (LMIS) iha Distritu Lautem, Baucau, Viqueque Manatuto no Bobonaro. Halo advokasia, dezenvolve no sosializa materia saude reproductiva foin sae ba escola Pre-Secundaria no Secundaria. Halo requizasaun equipamentus ba diagnostico cancer no lancamentu klinika diagnostico pap smear. Halao treinamentu Cold Chain no gestaun vacine, Forcasting vacine BCG, Sarampo, TT, DPT/Hep-B, Polio, suplay syringe ba tinan 2009. Halao quartely review meeting, halo monitorizasaun no supervizaun ba 13 Distrito.

Programa Controla Doenças Contajozas halao ona atividades hanesan encontru koordinasaun servisu, halao treinamentu konaba leprozy ba PSF iha Distritu Viqueque no Oecussi. Halo survey malaria iha Distritu Dili, Lautem no Covalima, completa recrutamentu ba pesoal programa saude, halao koordinasaun no enkontru mensal regular ba progrma Malaria. Husi unidade HIV/AIDs halao treinamentu konaba VCCT ba pesoal saude (60 participantes) iha hospital refferal Baucau no Maliana, halao treinamentu ba teknista laboratorium, halo encontru preparasaun ba implementasaun IBBS no sentinel surveillance, halao monitorizasaun no supervizaun ba centru VCCT Iha Distritu Viqueque, Baucau, Manatuto no Oecussi. Ikus liu husi unidade ida ne'e halo preparasaun ba planu implementasaun fase II. Acut viral infection Disiese Halo encontru koordinasaun WHO, clinicas privada, embaixada, parseiras NGOs, igreja no Distritus nebe besik baliza (Bobonaro, Oecussi no Covalia), halo workshop ba clinica privadas, halo dialogu interaktivu konaba H1N1 iha RTTL, monta makina thermoscanner (digital camera + layar thermoscanner), dezenvolve SOP clinical management meeting konaba H1N1, kontrola no scrining ba passagerus nebe tama sai mai Timor Leste iha airporto no fronteita.

Programa Doenças Nao Contajozas; iha Tinan ida nia laran halao deit perparasaun nebe necesario ba saúde matan, saúde ferik katuas sira iha facilidade saúde no programa SISCa, no kontrola tabaku husi gestaun dezastre naturais halao simulasi desastre ba pesoal saude iha Dili, Maliana no Covalima, ikus liu husi Departamento ida ne'e mos dezenvolve mata dalan ka guia ba saude Idozus, kontrola moras kronika.

Programa Saúde Nutrisaun; iha tinan ida nia laran Departementu Nutrisaun halo atividades: halao treinamentu ba pesoal saude konaba Jestaun Malnutrisaun iha Komuidade (JMAK) iha Distritu Dili, Manatuto, Bobonaro, Lautem Ermera no Distritu manufahi ho total 462 participantes, haaqo treinamentu ba PSF ba ema 200 iha distritu Aileu. Halao mos assesmento no observasaun Dietetika iha Hospital Nasional no hospital referencia no centru saude internamentu iha Distritu Aileu, Manatuto, Viqueque, Liquica, Manufahi, Lautem no Ermera. Konaba mikronutriente halao ona mini survei nivel suku (produsaun masin) nebe halao iha ulmera. Halao treinamentu ba pesoal saude iha Distritu Aileu konaba espansaun programa suplementu aihan no hala monitorizasaun no supervizaun ba programa nutrisaun iha distritus.

Programa saúde ambiental iha tinan fisikal 2009 halao aktividade monitoring supervijaun dala 33, Dezenvolve/revijaun guia operacional 3, halao enkontru koordinasaun no avaliasaun dala 12, halao orentasaun tekniko atu implementa estrategia e guias operacional dala 11, halo workshop dala 2, halao treinamento ho topiku saude ambiental ba komuidade dala 11, ba pesoal saude dala 5. programa Saúde Ambiental organiza no suporta aktividade lansamentu lora limpeza Nasional, Finaliza modul/manual Dell Agua, workshop atu finaliza standar kontrola qualidade be mos no halo Sorumutu Grupu Servisu Saneamentu iha Distritu 6 (Lospalos, Viqueque, Ermera, Liquica, Bobonaro no Covalima).

Programa Promosaun no Edukasaun Saúde iha Tinan ida ne'e nia laran halao treinamento ba ponto focal saude eskolar iha Distritus (falta Distrito Dili), Distribusaun hygiene kits iha distritu 5 (Manatuto, Liquisa, Ainaro, Manufahi no Viqueque) relaciona ho kampanya LES ba escola primaria. Halo Monitorizasaun no Supervijaun ba kampanya MAC no SISCA, Halao treinamentu/TOT ba PSF iha Distritu Dili no Ermera konaba topikua saude ambiental. Oreinta pesoal saude hodi halao simulasaun SISCA iha Distritu 6 mak hanesan: Distrito Ainaro, Dili, Ermera, Baucau, Covalima no Oecussi, husi 602 postu SISca nebe fungsionamento basea ba Guidlansa SISCa 34%. Husi fulan Janeiro to'o Setembru 2009 halo dessemnasaun informasaun Saúde topikua 10 (Malaria, familia planeada, saude reprodutiva, Tabaco, Dengue, Diareia, ISPA, Lepra TB, gripe manu no gripe fahi, mesagen saude lumbringa no HIV/AIDS) nebe publika ona liu husi media cetak no electronic mak hanesan TVTL, RTL, Radio UNMIT, Journal Labarik, Journal Lafaek, Journal Timor Post. Ikus liu husi programa nee dezenvolve no printing BCC material ba STI/HIV/AIDS, Nutrisaun, TV spot ba saude matan, Lepra no brosur saude reprodutiva.

Departementu Saúde Oral hanesan Departementu nebe estabiliza hodi suporta implementasaun programa saúde Oral ba comunidade. Atividades nebe halao tinan 2009 hanesan participa encontru revizasun indicadores no defini operasaional ba indicadores programa saude oral, prepara planu estrategia ba tinan 2010 no mos ba tinan 2030, programa mos hakarak hatudu kobertura nacional ba programa saude oral tuir facilidade: numeru pasiente nebe boot liu mak iha Outreac: 22,995, tuir mai pasiente nebe visita ba clinica ho numeru 14,469 e numeru estudantes 12,269. Se hare fali iha nivel Distritu Distritu Covalima no Distritu Dili ma hetan pasiente barak liu e ki'ik liu mak Distritu Oecussi no Lautem

Programa Saúde Mental iha Tinan ida ne'e halao koleksaun informasaun ba moras mental iha Timor-Leste. Husi koleksaun dadus ne'e hatudu katak to'o fulan Dezembru 2009 numeru moras mental hamutuk kazu 2957 no epilepsia iha kazu 1028. Husi numeru moras mental nebe mensiona iha leten kuaze 9% maka rekopora ona, 73% diak ho observasaun husi pesoal saude, halao seminar no talk show iha TVTL hodi komemora lorong mundial saude mental, progrma saude mental halao mos treinamentu ba pesoal saude 24 pesoas akumula husi centru saude no hospital ikus liu husi programa saude mental atende workshop internasional iha Sri Lanka.

Programa Servisu Farmacia durante tinan fiscal 2009 halao atividades produs no desamina stock card no livru sumario konsumo mensal medikamentus ba Distritu 13 no Hospital 6. Relatorio regular konsumo mensal medikamentus husi Postu de Saúde, Centru da Saúde no Hospital submete mai iha programa farmacia ida ne'e bele efektivamente monitoriza uza medikamentus iha facilidade saúde sira, e husi relatorio sira ne'e hatudu katak stock out medicamentus iha facilidade saude iha <5%. Ikus liu halao inspeksaun no supervijaun ba farmacia públiku no privadu iha Dili laran no Distritu Covalima, Maliana, Ainaro, Manufahi, Aileu, Ermera, Baucau, Manatuto, Lautem no Distritu Viqueque.

Diresaun Nacional Saúde Comunitaria iha tinan fiskal 2009 hetan alokasaun orsamentu hamutuk \$778,810. Exsekuta ona 97% husi total nebe alokadu.

Tabela 6: % Exekusaun Direcção Nacional Saúde Comunitaria

Line Items	Dotasaun	Exekusaun (%)
Salario & Vencim	151.310	
Bens e Serviços	609.500	
Capital Menor	18.000	
Capital Dezemvolvmentu	0	
Total		97%

Fonte Informasaun: Dept Finanças

DIRESAUN NASIONAL REKURSUS HUMANUS

Diresaun Nacional Rekursus Humanus kompostu husi departementu 3 atu suporta Director Nacional hodi excecuta actividades nebe relasiona rekursus humanus iha seitor saúde. Actividades nebe implementa ona durante tinan fiscal 2009 maka hanesan estudu komparativu iha rai liur konaba asuntu planifikasaun no jestaun rekursus humanus, halo preparasaun dezenvolvimentu planu rekursus humanus (ho partes relevantes.

Analiza no reorganiza dadus recursus humanus, rekruta pesoal foun ba departementu planifikasaun Recursus Humanus, halo diskusaun preliminar ho parte relevantes, staffing profile no mapas pesoal, analiza no reorganiza dadus rekursus humanus tuir nivel edukasaun, posisaun no grupo idade, estabelese rede komunikasaun ho unidade gestaun pesoal iha 13 Distritus no servisu personalizadas.

Husi Departementu Bolsu estudu durante tinan fiscal 2009 bolseirus nebe remata estudu magistradu nain 9, medicina jeral nain 1, licenciatura tekniku saude nain 8, baixarelato saude nain 7 totalema 25. Bolseirus nebe iha tinan ida ne'e lao hela hamutuk ema nain 84 no bolseirus nebe rekruta foun iha tinan ida ne'e hamutuk 51 ho diskripsaun medicina jeral 1, mediku dentista 3, licenciatura 17, baixarelato saude 20, Magistradu no PhD ema nain 1.

Total

Iha tinan fiscal 2009 Diresaun Nacional Rekursus Humanus exekuta ona orsamentu mais ou menus 100% husi total Orsamentu Geral Estadu US\$ 1,862,491

Tabela 7: % Exekusaun Direcção Nacional Rekursus Humanus

Line Items	Dotasaun	Exekusaun (%)
Salario & Vencim	\$81.816	
Bens e Serviços	\$1.787.068	
Capital Menor	0	
Capital Dezenvolvimentu	0	
Total		100%

Fonte Informasaun: Dept Finanças

DIRESAUN NASIONAL ADMINISTRASAUN LOGISTIKA E APROVISIONAMENTU (DN ALA)

DN ALA Programa Aprovisionamento iha anu fiscal 2009, actividades nebe halao hanesan prepara BOQ, Dezeinho ho especificasaun ba construsaun projectos, prepara especificasaun ba computador, equipamento de comunicasaun, agua, mobiliaries, kareta multifunsaun, kareta operacional, motorizadas, e equipamento medicos e diversus. prepara especificasaun ba catering services, seguransa, limpeza no lavanderia iha Hospital Referral, prepara documentos tender ba capital menor no good & services, simu no avalia proposta nebe tama, halo documentos kontratu ba Capital Dezenvolvimento no ikus liu certifica pagamento CPV nebe tama. Husi Aktividade sira ne,e hotu realiza/implementa ona Bens e Servisus 96.45%, Capital Menor 99.94% no Capital Dezenvolvimentu 57%. Husi capital Dezenvolvimentu Re-Apropriaun 40% ba tinan 2010.

Programa admnistrasaun halo coordenasun ho Dirasaun Nasional Recursus Humanus hodi halo verifikasaun konaba lista de prezensa husi funcionarios permanentes e temporarios no atende surat sira seluk nebe iha relevantes, halo rekapitulasun lista presenca husi dirasaun NALA hodi haruka ba Dirasaun Nasional Rekursus Humanus, halo monitorizasaun no avaliasun ba actividades de limpeza geral no gestaun administrativus iha area Ministerio da Saude, halo parte iha equipa panel ba recrutamentu funcionario contratadus iha SCMdS. Jere arquivos centralizados.

Programa Gestau de Equipamentu Mediku iha anu fiscal 2009 halao ona atividades hanesan simu no halo distribusaun equipamentu mediku ba institusaun saude relevante. Departementu Gestau Equipamentu Mediku simu ona equipamentu mediku husi agencia balun no Departemento Aproveisionamento. Equipamentu nebe refere ne'e distribui ona ba Distrito 13 no Hospital referal 5 inklui Hospital Nacional, halao mos manutensaun regular ba facilidade saude iha distritu 13 no hospital 6 no ikus liu Gestau Equipamentu Mediku halao monitorizasaun no supervijaun ba equipamento hotu iha facilidade saude.

Programa Logistica iha Tinan 2009 ne'e halao actividade hanesan rekoilha careta Tata Sumo no Land Rover ba iha patrimonio Governo, simu no kontribui equipamento do servisu inklui kareta no motorizadas, koordena no organiza atu halo manutensaun ba kareta no motor ikus liu halo monitorizasaun no supervijaun ba ba iha Distritu.

Orsamentu Geral Estadu nebe aloka mai diresaun ida ne'e iha tinan fiskal 2009, hamutuk \$ 828,846. Husi total ne'e DN ALA exekuta ona 97%.

Tabela 8: % Exekusaun Direcção Nacional ALA

Line Items	Dotasaun	Exekusaun (%)
Salario & Vencim	150.893	
Bens e Serviços	371.903	
Capital Menor	34.000	
Capital Dezemvovmentu	295.000	
Total		97%

Fonte Informasaun: Dept Finanças

DIRESAUN NASIONAL PLANO E FINANÇAS (DN PF)

DN PF ninia papel importante maka hanesan koordena formulasaun no implementasaun planu estrategiku no planu asaun Ministério da Saúde, assegura gestau financeiru iha diresaun saude hotu-hotu no ikus liu responsabel ba gestau parseria ho agencia externa sira. Iha tinan fiscal 2009 DN PF halao ona atividades hanesan prepara no submete planu asaun anual ba 2010, kolekta relatorio trimestral husi programa saude hotu-hotu hodi elabora relatorio trimestral, semestral no anual. Kona ba relatorio trimestral nebe submete mai DN PF mais menus 60% deit maka submete sira nia relatorio programa tuir tempu nebe determina, Formulasaun Guia Monitorizasaun no Avalisaun agora dadaun iha procesu diskusaun no procesu ne'e sei kontinua.

Servisu Finanças da Saúde halao nia knar hanesan simu proposta, halao verifikasaun, hakerek no halo submisaun CPV, follow up CPV no halo pagamentu ba programa relevante. Iha tinan 2009 Departementu Finanças mos halao treinamentu kona ba Software Accountant "Quick Book" ba official financas Nacional no Distritu sira. Monitorizasaun ba Exekusaun Orsamentu iha nivel Distritu no Hospital sira mos sai hanesan atividades regular nebe halao husi Departementu Finanças. To'o 31 de Dezembro de 2009 total despeja mais menus iha ona 89%.

Programa Gestau Parceria organiza ona varias enkontru koordensaun no asina memorandum kooperasaun ho Organizaasaun Nao Governmental (ONG) sira atu bele dudu procesu dezemvovmentu saude komunitaria ba oin. To'o Fin de ano 2009 Gestau Parceria halao ona enkontru koordensaun ho parseria sira dala 12. Alen de ida ne'e Gestau Parceria mos realiza tiha ona koopersaun ho ONG sira. Hamutuk ONG 17 maka asina tiha memorandum ho Ministério da Saúde, UN Agency 3 no asina ona MOU Bilateral 7. Gesataun Parseria mos supervisona implementasaun projeitus bilaterais no multilaterais hanesan Fundu Global, HSSP-SP nebe Gere husi Banku Mundial no Fundu husi Komisaun Eropeia.

Exekusaun Orsamentu primeru trimester DN PF mais menus iha 95% husi total orsamentu \$872,979.00.

Tabela 9: % Exekusaun Direcção Nacional Plano Finanças

Line Items	Dotasaun	Exekusaun (%)
Salario & Vencim	89.355	
Bens e Serviços	710.624	
Capital Menor	73.000	
Capital Dezemvomentu	0	
Total		95%

Fonte Informasaun: Dept Finanças

HOSPITAL NACIONAL NO HOSPITAL REFERAIS;

Timor-Leste iha Hospital 6 nebe kompostu husi Hospital Nacional Guido Valadares (HNGV) ho 264 kamas, Hospital Referensia Baucau ho 114 kamas, no Hospital Referensia Maliana, Maubisse, Suai no Oecusse iha kapasidade 24 kamas.

Indikadores desempenhu Hospital Nacional no hospital referais nebe tenki relata maka hanesan garantia qualidade no eficiencia servisu Hospitalares nebe sukat liu husi redusaun ba GDR nebe tenki menus husi 45/1000, NDR tenki menus husi 25/1000. Mantein BOR entre 65-80% no LOS entre 6-9 dias no ikus liu redusaun taxa stock out medikamentus tenki menus husi 15%.

Statistika servisu hospitalares to'o fim de fulan Dezembro 2009 hatudu katak pasiente nebe mate liu husi 48 horas (GDR) iha 38/1000, Pasiente nebe mate menus no liu 48 horas (NDR) iha 20/1000, taxa okupasaun kama (BOR) iha 69%, durasaun baixa (ALOS) iha loron 6. Em geral hospital halao servisu ho diak meski iha indikadores chave balun nebe la konsege atinji targeto Nacional nebe iha.

Relasiona Indikadores chave nebe mensiona iha leten maka atinjimentu tinan 2009 maka hanesan tuir mai ne'e:

Tabela 10: Indikadores Servisu Hospitalar

No	Hospital	BOR (%)	ALOS (Loron)	BTO (Loron)	TOI (Loron)	GDR (1000)	NDR (1000)
1	HNGV Dili	76	5	6	3	37	20
2	Hospital Baucau	72	9	3	9	36	23
3	Hospital Maliana	90	6	7	5	44	30
4	Hospital Maubessi	57	5	4	6	34	16
5	Hospital Suai	40	2	5	2	22	11
6	Hospital Oecusse	75	7	4	5	55	18
Total		68	6	5	5	38	20

Fonte Informasaun: Dept SIS

Hospital sira mos halao aktividade outreach ba facilidades saúde nebe baze iha comunidade, mais ou menus fulan ida equipa servisu hospital tún ba comunidade halao servisu outreach.

Total orsamentu nebe aloka ba Hospital Nacional Guido Valadares hamutuk \$5,142,717; HR Baucau \$ 4,869,805; HR Maliana \$ 1,045,518; HR Maubisse \$ 839,090; HR Suai \$1,386,045; no HR Oecusse \$604,600.

Tabela 11: % Execusaun Direcção Nacional Saúde Comunitaria

Hospital Name	S&V	B&S	CM	CD	Total	Execusaun (%)
Hosp Nac	\$1,834,684	\$2,090,000	\$100,000	\$1,118,000	\$5,142,717	99%
HR Baucau	\$615,610	\$1,175,195 0	0	\$3,079,000	\$4,869,805	38%
HR Maliana	\$283,660	\$571,268	\$172,590	\$18,000	\$1,045,518	98%
HR Maubisse	\$285,260	\$ 539,830	0	14000	\$839,090	99%
HR Oeccussi	\$221,600	\$367,000	0	\$16,000	\$604,600	99%
HR Suai	\$228,045	\$349,000	0	\$809,000	\$1,386,045	100%
Total	\$3,200,000	\$5,416,000	\$273,000	\$5,054,000	\$13,943,000	89%

Fonte Informasaun: Dept Finanças

INSTITUTU CIENCIAS DA SAÚDE (ICS);

Natureza ICS hanesan institusaun non universitario nebe halao deit formasaun ba non-licenciatura nivel Diploma I no Diploma III no kursu certificado saúde nian.

Servisu ICS fahe ba parte rua: parte primeiro hare Dirasaun Administrasaun e parte segundo hare ba Dirasaun akademiku iha parte dirasaun Administrasaun programa nebe mak halao durante iha Tinan 2009 haesan apoio no suporta dirasaun akademiku liu husi area gestao administrasaun no finanças. Husi parte dirasaun akademiku fahe tan ba iha area edukasaun formal mak halao programa apredizasen regular ba programa DIII parteira estudantes hamutuk ema nain 57, DIII Emfarmagem regular hamutuk ema nain 112, DIII Enfarmegen Paralelo hamutuk ema nain 35, DI farmacia estudantes 19 pesoas nebe hetan graduasaun no oras ne,e fila ikas ba sira nia postu idak-idak tuir vagas nebe determina husi MdS no DI Optomologia estudante hamutuk ema nain 15. Awaibilidade modul/materia curso, ratio docente no estudante 1/5, programa estagio no orentasaun laao tuir regulamento nebe estabesele iha ICS no reflète ba Curriculum tuir modelu cada formasaun nebe iha. Edukasaun non formal mak halao treinamento ba treino ema 75 ba area emerjensia no metodu salva ema wainhira mosu dezastre naturais ruma, treino ema 104 ba area IMCI, area saude ambiental ema 20, area Saúde mental ema 41, familia planeada, ba EPI ema 38 no infeksaun controlo ema nain 30, ikus liu workshop ba programa nutrisaun no supervijaun gestaun lideransa iha distrito no sub distrito.

Tuir informasaun husi departementu Finanças Ministério da Saúde, exekusaun orsamentu ICS mais ou menus atinji 99% husi total orsamentu nebe alokadu \$806,000. Detailha informasaun hanesan tuir mai ne'e:

Tabela 12: % Execusaun Direcção Nacional Saúde Comunitaria

Line Items	Dotasaun	Exekusaun (%)
Salario & Vencim	\$ 183.500	
Bens e Serviços	\$ 607.500	
Capital Menor	\$ 15.000	
Capital Dezemvovementu	\$ 0	
Total		99%

Fonte Informasaun: Dept Finanças

Laboratorio Nasional;

Laboratorio Nasional hanesan institusaun nasional saúde nebe nia rensponsabilidade ba qualidade no referencia servisu laboratoriu saúde iha teritorio tomak. Funsau maior husi Laboratorio Nasional maka garante qualidade examinaun laboratoriu saúde, apoiu ka fornese assistensia teknika ba laboratoriu saúde iha nivel Distritus no Hospitais, inklui mos labotario privadu.

Iha Tinan fisikal 2009 aktividade nebe mak Laboratorio Nasional halao mak hanesan: Tomada de posse ba strutura foun Laboratoriu nasional, 5% examinaun laboratoriu nebe deteta error, 80% area servisu laboratoriu saude nebe halao servisu tuir SOP, halo treinamentu no refresing training ba pessoal tekniku laboratoriu iha teritorio tomak, 14 amostras sampel nebe refere ba rai liur, 13 item numeru standar operacional procedur/SOP servisu laboratoriu nebe tuir area ida-idak nian. chave nebe relata trimestralmente maka hanesan taxa examinaun nebe error, percentajen slide nebe refere mai husi laboratoriu distritais no hospitais hetan konfirmasaun no numeru laboratoriu saúde nebe hetan supervisaun teknika husi equipa laboratoriu nasional.

Exekusaun orsamentu Laboratorio Nasional mais ou menus atinji 99% husi total orsamentu nebe alokadu \$442,211. Detailha informasaun hanesan tuir mai ne'e:

Tabela 13: % Exekusaun Laboratorio Nasional

Line Items	Dotasaun	Exekusaun (%)
Salario & Vencim	\$ 128.235	
Bens e Serviços	\$ 307.975	
Capital Menor	\$ 0	
Capital Dezemvomentu	\$ 6.000	
Total		99%

Fonte Informasaun: Dept Finanças


SERVICOS SAÚDE DISTRITAIS (SDS)

Servicos Saúde Distritais kompostu husi SDS 13 tuir struktura Miniterio da Saude. Kada Distrito Direcsaun Saude Distrito hodi organiza saúde pública iha sira nian area kobertura, orentasaun intervensaun saúde maioria maka fokus liu ba kuidadus saúde primaria. Iha konseitu politika Ministério da Saúde kuinesidu ho Servisus Pakote Bazikus ou Basic Service Packages (BSP).

Kuidadus Ante Natais ka ANC;

Durante iha periode Janeiru – Dezembru 2009 numeru inan gravida nebe hetan kuidadus ante natais regularmente (minimu dala 4) durante periode gravida iha 43.4%. Distritu Dili hetan atinjimentu nebe a'as mais menus 70%, tuir fali Distritu Viqueque 59.4% no Distritu Baucau 49.1%. Distritu nebe hetan atinjimentu ki'ik maka Distritu Aileu, Lautem no Ainaro (25.1%, 28.4%, no 30.9%)

Grafik 1: % Atinjimentu Kuidadus Ante Natais Per District


**Partus nebe hetan tulun husi profesional saúde sira;**

Durante fulan sia nia laran kobertura numeru inan gravida nebe hetan tulun husi profesional da Saúde iha fasilidade Saúde ka iha uma durante periode partus iha Distritu Baucau Dili no Bobonaro mak hetan atinjimentu nebe a'as ho nia persentagen 68.8%, 62.4% no 59.2%, Distritu nebe hetan atinjimentu ki'ik maka Distritu Aileu, Ermera no Masnufahi (25%, 29.8%, no 30.7%). Akumulasaun nasional ba kobertura Partus nebe hetan tulun husi profesional saúde sira durante tinan 2009 atinji 46.7%.

Kuidadus Post Natais;

Loron 40 depois partus hanesan periode nebe perigu tebes ba inan nebe foin túr ahi, taxa mortalidade materna no infantil nebe a'as hetan mos kontribusaun husi periode ne'e. Akumulasaun nasional ba kobertura kuidadus post natais durante tinan 2009 atinji 33.7%. Distritu Viqueque nebe hetan atinjimentu a'as ho persentagen 61.1%, tuir tan Distritu Manufahi ho 54.7%. Distritu nebe hetan atinjimentu ki'ik liu maka Distritu Covalima, Aileu, no Ermera (21.1%, 22.1%, no 24.2%).


Grafik 2: % Atinjimentu Partus no Kuidadus Post Natais Per District



Planeamentu Familiar; Statutu planeamentu familiar nebe la dun diak ba familia ida sei fo impaktu mos ba moris social ekonomia familia nian nomos bele fo kontribusaun ba kondisaun saúde inan ho oan nian, no ikus mai bele sai hanesan faktor ida nebe fo kontribusaun taxa mortalidade no morbilidade materna infantil. Tinan uluk (2008) nasionalmente taxa uza kontrasepsi aktivu maka iha 15%, mai iha tinan fiskal 2009 nia nomeru aumenta ba iha 30%.


Imunizasaun; To'o fim de Dezembro 2009, kobertura Imunizasaun BCG iha 69.6%, DPT3-HPB-3 71.3%, Polio 76.8%, Imunizasaun TT kobre mais e menus 36.7% no Sarampu iha 68.7%.

Grafik 4. Kobertura Imunizasaun BCG, DPT3/Hep 3



Source: MHIS Ministry of Health


Grafik 4. Kobertura Imunizasaun Polio, Sarampu, TT Tinan 2009



Source: MHIS Ministry of Health


Programa Nutrisaun; Problema malnutrisaun sei sai hanesan problema saúde publika tinan ba tinan. Iha tinan 2008 nasionalmente, taxa malnutrisaun iha 21%, ba iha tinan 2009 numeru ne'e redus oitua ba iha 20.2% husi total nasional. Distrito Oecussi mak hetan Malnutrisaun boot liu ho 43.1% tuir distritu Aileu, Manufahi no Bobonaro ho percentagen 32.3%, 27% no 25%, Distritu nebe mak percentagen malnutrisaun grave ki'ik mak hanesan Distritu Dili, Covalima no Viqueque ho percentagen mak hanesan 6%, 8% no 11%. Numeru ne'e refere deit ba malnutrisaun grave, ho ninia grafico.

Grafik 5. Taxa Malnutrisaun Grave Tinan 2009




Controla Doenças Contajiozas; Programa HIV/SIDA husi tinan 2003 to,o 2009 total kazu 151. Iha tinan fiskal 2009, kazu foun nebe detekta hamutuk 50 kazu. Husi programa Tuberkoloza relatorio kada Distritu nebe relata ba iha Departementu Sistema Informasaun Saúde katak deteksaun kazu foun moras tuberkoloze iha 52% ho ninian taxa tratamentu ho suksesu iha 84% no numeru pasiente drop out seidak relata. Kazu Malaria nasionalmente plasmodium Falciparum as liu ho persentagen 69.6%, tuir mai Plasmodium Vivax 29% no kiik liu mak mixtura ho persentagen 1.4%.

Grafik 6. Deteksaun Kazu TB Foun Tinan 2009




Grafik 7. Deteksaun Kazu Malaria Tinan 2009




Program Distribusaun aimoruk lumbringa ba komundade sira liu-liu labarik ho idade entre fulan 6 to'o tinan lima durante periode tinan ida ne'e relata iha 31.2%. Distritu nebe hetan kobertura a'as maka Distritu Manatutoho 69.4%, tuir Distritu Oecussi ho 54%, Covalima ho 47.2%. Distritu nebe hetan kobertura ki'ik maka Dili, Baucau no Manufahi ho nia kobertura 19.3%, 19.9% no 21.5%.

Grafik 8. Cobertura Programa Lumbringa Tinan 2009



Distribusaun moras sanolu (10) nebe hetan tratamentu iha facilidade saude hanesan Postu saude no centru saude nebe ho numeru as liu (374867) mak ISPA (infeksaun vias Respiratory) no moras nebe ki'ik mak hanesan Urethral Discharge ho total 469.



Programa Servisu Integradu Saúde Comunitaria (SISCa)

Funionamentu ba Postu SISCa em geral funciona ho diak. Too iha Dezembru 2009 tuir relatorio husi Departementu promosaun no Edukasaun Saúde katak iha 75% husi postu SISCa 602 maka funciona ho diak, Implementasaun SISCa sei hetan difikuldade nafatin tamba ho Cirkumtancia nebe difikulta implementasaun SISCa ne'e maka hanesan limitasaun rekursus humanus no suporta transporte nebe seidauk adekuaudu, maski kareta multi fungsi distribui ona ba distritu sira maibe foin maka prence necesidade 20% no seidauk kobre area distritu iha Timorl Leste laran tomak.

Exekusaun Orsamentu Tinan Fiscal 2009 iha nivel SDS

Geralmente Tinan ida ne'e Servisus Saúde Distritais hatudu statistika diak ida iha parte exekusaun orsamentu geral do estadu. Percentajen exekusaun orsamentu husi SDS 13 iha 87%. Tabela tuir hatudu exekusaun kada SDS iha numeru nomos iha percentajen;

District Name	S&V	B&S	CM	CD	Total	Execusaun (%)
Aileu	256,000	308,000	54,999	92,000	710,999	99%
Ainaro	247,460	262,620	55,899	38,000	603,972	98%
Baucau	504,520	463,000	64,999	205,000	1,237,519	99%
Bobonaro	320,120	336,879	16,945	208,000	881,945	99%
Covalima	272,127	341,000	0	46,000	659,127	96%
Dili	525,250	517,130	7,000	46,000	1,095,380	97%
Ermera	375,450	445,000	0	162,000	982,450	98%
Lautem	401,570	413,000	45,824	209,000	1,069,394	99%
Liquica	267,530	318,087	44,824	162,000	792,441	98%
Manatuto	404,380	356,000	52,600	214,000	1,026,980	99%
Manufahi	325,530	310,000	83,823	289,000	1,008,353	99%
Oecusse	222,240	315,000	82,923	200,000	820,163	96%
Viqueque	466,250	410,114	83,723	253,000	1,213,087	98%
Total	4588,427	4795,83	593,559	290835	5451,097	98%

Fontes Informasun: Dept Finanças

KONKLUZAUN

Ministério da Saúde sei mantein nafatin ninian estrategia hodi implementa prioridades Governu nian. Implementasaun SISCa sei sai hanesan fokus principal ba implementasaun programa saúde iha nivel comunidade, tamba SISCa maka sintidu saúde komunitaria lolos, hodi hakbesik servisu saúde ba comunidade liu-liu sira nebe iha area rural. Alen de SISCa Registu Vital (Vital Registration) mos hanesan iniciativa politika ida nebe sai hanesan prioridades mos, tamba hare ba dezemvolvimentu saúde komidade tempu ba tempu necesita informasaun nebe kredibel no ho kualidade diak hodi suporta dezemvolvimentu politika, strategia, planu no bele mos suporta hadia gestaun loro-loron iha kampu.

Servicos Hospitalares mos hare ba relatorio Tinan 2009 presiza hadia no haforsa tan atu nune bele exerxe ninian funsaun lolos hanesan kuidadus secundaria. Gestaun in geral presiza hadia, sistema informasaun saúde (Medical Record System) presiza establese no gestaun klinika tenki establese diak liutan atu nune bele garantia kualidade servicos medicos, enfermagen no intervensaun klinika sira seluk ba pasiente ka kliente nebe presiza.

Iha nivel nacional buat barak maka persija hadia no haforsa mos. Restruturizasaun no reformasaun administrativa ramata ona, maibe funcionamentu orgaun ida-idak nebe mosu husi reformasaun administrativa ne'e persija mos avalia atu labele sai hanesan cauza ba ineficiencia lalaok Minsitério da Saúde nian. Sistema Gestaun Finanças presiza haforsa, Sistema Informasaun Saúde tenki haforsa, Sistema Rekursus Humanus tenki hadia, Sistema Koordenasaun tenki hadia no ikus liu sistema gestaun patromunhu estadu presiza hadia mos. Ida ne'e sai hanesan agenda nebe sei fo atensaun maka'as iha tinan tuir mai.

Iha periode tinan ida ne'e procesu submisaun relatorio husi diresaun hotu-hotu no kompilasaun dadus husi Sistema Informasaun Saúde, difikulta uituan dezemvolvimentu relatorio ne'e. Maibe bele iha mos razaun tamba kualidade no similaridade informasaun saúde importante teb-tebes tan ne'e procesu verifikasaun husi Departementu Sistema Informasaun da Saúde tenki halao hanesan obrigasaun istitusional hodi garantia kualidade informasaun hirak nebe publika sai.